

cis auctoritas, cui Herculem beneficiario sibi jure obnoxium vinci, ac pessumdari minime conduceret: anni demum tempus autumnus in hyemem labente, quo neque arma commode tractari, neque in his, ac palustribus locis, in quibus pleraque Herculis oppida sita erant, munera militaria obiri poterant. His adducti Patres Herculis animum labantem erigunt, confirmant, spem injiciunt, brevi eos turbines cum illius prudentia, ac virtute, tum Pontificis auctoritate depulsum iri: quibuscumque possent officiis, ut arma conquiescant, operam duros, quidquid ex Reipublicae ditionibus commodi sibi accedere possit, liberaliter pollicentur, ac deferunt.

Octavius Farnesius, eductis copiis, kal. octobris bellum auspicatus, Monticulum agri Regiensis, ad motis tormentis, metu ad deditionem compulit: inde Sancti Pauli oppidum ab omnibus imparatum rebus recepit. Minutis praeliis, atque parvis oppugnationibus vario eventu hinc, atque inde anni exitu iis in locis dimicatum. Quo tempore Venetiis Ziliae Dandulae, Laurentii Principis conjugis, Ducis inauguratio laetissimum, veteris instituti memoria renovata, civitati spectaculum praebuit; cum a Paschalis Maripetri Ducis tempestate usque ad ea tempora centum annorum cursu elapso exolevisset, nullaque eo cultu matrona id dignitatis fastigium attigisset. E Barbadicis aedibus in divorum Gervasii & Prothasii vico sitis Senatus frequens aurea talari veste amictam, ducalique caput infula redimitam, magno matronarum comitatu stipatam, bucentauro excepit, & ad aream usque divi Marci perducit, egressam per forum, quo ingens populi multitudo confluerat, mediam inter Marcum Centanum, & Antonium Justinianum ex sexviris seniores, plausibus, ac multitudinis acclamationibus perstreptantibus: quacumque incederet auleis, statuis, obeliscis, fornicibus, sese in obtutum dantibus, ad aedes Principis Patres deduxere.

1557
Senatus eesponsum.

Octavius
Farnesius
Ferrarienses
ditiones in-
vadit.

Ziliae Dan-
dulae, Prioli
Principis
uxoris, inau-
guratio.

M. D. LVIII.

Bellum Ferrariense interea lente procedebat, quod etiam non diuturnum fuit, cum omnis armorum procella se se in Galliam, ac Belgium effudisset, ac Philippus gravioribus dif-

1558